



partii naleraq

UKA 2017/057-01

10-10-2017

Innuttaasut qarasaasiakkut toqqaannartumik kigutilerisumut piffissamik inniminniisalernissaannut periuitsimik ineriartortitseqqullugit pilersitseqqullugillu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Inatsisartunut ilaasortaq Justus Hansen-ip Demokraatineersup Innuttaasut qarasaasiakkut toqqaannartumik kigutilerisumut piffissamik inniminniisalernissaannut periuitsimik ineriartortitseqqullugit pilersitseqqullugillu Naalakkersuisut peqquneqarnissaannik Inatsisartut aalajangiiffigisassaattut siunnersuutaa Partii Naleraq sinnerlugu imannak oqaaseqarfigissuarput:

Inatsisartunut ilaasortaq Justus Hansen-ip siunnersuutaa ilumullimi kingutilerinermi innuttaasunik sullissinermi kigutit nakorsaannik aammalu taakkununga attuumassuteqartunik sulisussanik amingaateqanngikkaluarutta, minnerunngitsumillu nunaqarfippassuarni aamma illoqarfiit ilarpasuini innuttaasut qarasaasiakkut toortaaginnarlutik kigutileritissinnaangorsimangaluarpata, ilaana siunnersuut torrassuungaluarpoq, kisianni pissutsit piviusut ajoraluartumik siunnersuuteqartup takorluungaaniit allarlunnaapput.

Uani siunnersuummi aamma Naalakkersuisut akissuteqaataanni takuneqarsinnaangilaq, siunnersuut taama isikkoqarluni imaluunniit Naalakkersuisut allannguutissatut siunnersuutaattut isikkoqarluni akuerineqassangaluarpat tamanna inuiaqatigiinnut qanoq akeqassanersoq.

Taamaammat siunnersuut taama isikkoqartillugu piviusorsiorlutut isiginngilarput, kisianni misissungassaqqitsipparput, innuttaasut kingusiarniarlutik telefonikkut tamakkiinerusumik inniminniinnaanerak piviusunngortinneqassappat.

Taama oqaaseqarluta siunnersuutip sukumiisumik ataatsimiititaliami susassaartumi suliarineqarnissaa inassutingaarput.

Anthon Frederiksen